

ККУРККУЛЛАЛ МАХ1МУДИ

Биография: Рамазанова Булбул.

Ккурккуллал Мах1муди увну ур Ккурклив, Х1Х аьсрулул 60-ку шиннардий. Ц1игъурнал сянат лархъхъуну, Бакуйсса аьшвашханалуву зий ивк1ун ур. Ганал назмурдаву ккаккан бивну бур лакрал оьрму, ганиву хъанай дирк1сса дахханашавуртту.

Ккурккуллал Мах1мудин буцин ччай бивк1ун бур ккурккуллал Щазал ч1ивимур ссу Пат1имат, ванийн учайсса бивк1ун бур Ч1ава душ куну. Амма душнил нитти-буттал душ булла чин буч1анвагу къабуч1иссар куну, баян бивну бивк1ун бур ккаккангу ххуйсса, хъхъич1унгу урувгсса, даврингу уч1исса. Рищунсса аьй дакъасса жагъилнал инсантуран. Ялунмай нину-ппу ци т1урчагу, душ къабулаврил сававмур дирк1ун дур къюлт1сса, ай, шаммарду бувулт –ми инсанта баъар, му жун хъинну к1улсса затри, цанчирча ца жуллагу дуссар мукунсса зат... Мукун Щазансса балардая ца парча бивну бур цич1ав тахсир баъасса Мах1мудингу.

ЗАЙДИЛАВЛУХА

Гаджиева Салидат:

Дуниял сукку хъуну, лухччи зурзу т1ий дури,
Зайдилав ивк1унни т1ий, зарзала дагъну дури.
Ссаврунная ч1у хъуну, зунтту хъюлчай т1ий бури,
Зунттавусса авдалтал агъи т1ий аьт1ий бури.
Къиблалул чулухату ссав лух1и ларгун дури,
Дунъял даруну дуна, ва ци ц1ансса къинир т1ий.
Вай араммтал чунмайри, ва леххаву чуннайри,
Чунайра увкуманал бак1 к1ут1у дуллай бури.

Меджидова Тамари:

Ух1лилаллил лух1и нех х1алин хьуну лагивуй,
Карашрал гьазт1и ламу ссират1ирайн буккивуй.
Шахьуйннал неххамач1ув машх1ар бувц1уну бури,
Кьияма кьинири т1ий, кьюкьри-кьюкьри дурну дур.
Ина пагьму бакьуяв, вил гьунар чан хьуссияв,
Магьиршиврул ц1а дурксса бак1 неххал ласун цан бав?
Бахтиралмур ч1ун ларгун, цуппа бахтти бухлавгун,
Зайдилав, неххаяту занаик1ан кьавхьурив?

Буттаева Сабина:

Кув холерданул ливри, кув ц1уц1аврил ливт1унни,
Зайдилавн хьусса зулму цаннайвагу кьавхьунни.
Зайду Сибирлив лавгун, ц1а Лаккуйра лирч1ссия,
Зайдилав неххал лавсун, ц1а хьхьиривун дагьунни.
Хьхьирил зуманив ура, Зайдилавх зума чара,
Жамилуву щяивк1ун, ттула жандалий аьт1ий.
Аьхьардал диван кьукьин, к1юрххил увккун нанини,
К1ура кьааяйшиву хьунна ниттихь бувсния.

Магомедова Патимат:

Ми мурадирал оьрч1ру щалихханц1а ккавкния,
Барча кьавхьу дивану урувгун ххал бувния.
Дуниял гьава байсса гьайват мусил лулуххи,
Жу хьирив аьт1и бувну, аьрщарахьхьун лавгунна.
Аьмалунниву бавкьу Багьдадлив чана ц1укуй,
Вил чани бухлавгукун, чаннай цу уккавивав.
Дигьусттан билаятрай ттеркьукьал бувщу х1ави,
Х1айп т1ий жугу кьабивтун х1ат1ливух ивхьуссарав?

Барххулаева Патимат:

Янна аьтарттул ларсун, ярагь ххюлул ппив бувну,
Жан неххаву дуллуну, зия лавгри Зайдилав.
Няк1 ссавнил ранг лух1и хьур, ц1убарз зунттайн кьабивтри,

Ва щарнил, ххярах1ала хъюлчу хъуну дагъунни.
Халкъ х1айран хъусса куццуй лухччи-сав аьт1ий дия,
Шахъуйннал неххамач1ув ина хъхъу гъан дурукун.
Ссавруннай чанна ц1урттал чани бухлавгун бия,
Ва лакрал диванбаги майданив ливч1сса хъхъуну.

Салихова Светлана:

Ина сайрданий уккай ттурц1ардий к1яла ларзу,
Щамахлия ч1акуну, лух1и чарчав рутанну.
Магъилул вил хъач1унттив бурк1унттал кьучин дуркун,
Дясурулу гъели баргъ гъинттул дягъул бавц1унни.
Дуниял ххуй дай ц1убарз, ил ххуй бай ляълужавгъар,
Дивану ххуй бан ххявхсса к1яла ттеркъукъал х1ави.
Гъариб хъунни вай вирттал, гъавгъунни щарнил душру.
Аькьлу бусай мусил ч1юй аькьлулия лавгукун.

Алиев Х1ажимурад:

ЗУХЪ ЦУ-ЦУМУР БУСЛАВА?

Агъ, на вай дардирдая
Зухъ цу-цумур бусави?
Ц1умур ялун дияннин
Духмур ц1у хъанай дури.
Дуниял ч1юлу хъанай,
Пикрирду ч1яву хъанай,
Даин давран ц1у хъанай,
Ц1улдуна дардру хъанай.
Х1исавртту гъарза хъанай,
Хъунама хъяврин хъанай,
Давран зияда хъанай,
Ч1аххучув къама хъанай.
Ахирзаман учайсса
Ахир духларгукундив,
Ва ттисса замандалийн
Учинт1исса ц1а цири?

Ца мажлисрай т1урча. Къаччайна лавгун бивк1ун бур Щаза овъкусса
мажлисрайн. Лавгун бур цила к1ира-шанна шин хъусса душнищал. Мажлисрай
х1анттил кайп бувсса цаппара арамтурал ссук1а лавай бивтун бур ттупанчартту.
Цаннаща т1урча ттупанча пяхъ куну бур, ссук1а бурган баннинма. Бяйкъусса ккулла
щуну, вевгу куну, ч1анкъатлувун багъну бур Щазал гъухъуц1ун лавч1сса ч1ивит1у!
Балайгу бялич1ин къабувну, Щазал, хъап куну, гъаз бувну бур душ. «Гъуя, ваяв ттун
ккаккан ливч1сса?»- куну, балайгу агъилийн к1ура баен бувну, бувккун лавгун бур.

Душ бивк1уну мукъах, цуппа бивч1аннин, Щазал лух1и къалиркессар.

* * *

* * *

* * *

Ца гъаривсса нинугу,
Аьт1ий, мурч1и хъунт1исса.
Ца ч1ивисса уссугу,
Ятинну хъуна хъунсса.

Ттул лякълува чан хъунни,
Къатлува илкин хъунни,
Ссавруннайсса ц1урттиксса
Дардру тунгу ххидунни.

Ттул душнил къатрал ялун
Чарттал т1юпан бувт1унни,
Нах1у ахъулссаннул мурхъ
Мархлуц1акул аьвунни.

ККУРККУЛЛАЛ ШАЗА



*Шаза (ккавксса инсантурал бусласаврийн бувну)
бивклун бур чурххал лахъсса, исвагъисса хъамитайпа,
марцI-кIяласса лажин, лухIисса
я-иттацIани, лахъисса кIиз бусса, ялун яннагу марцIну,
аьжаивну цIу буну лаххайсса хъамитайпа.*

*Шазал балай учавугу яргсса, цал бавнан тачIав хъама
къабитайсса бивклун бур, мюришну ччергъилу рищаврил
чулухагу ШазачIан ийисса балайчи Лаккуй къаивклун ур*

Ттул цIа машгъур хъунни, лакрал щархъавух,

ЦIа дурксса исвагъи нава бакъанма.

ЧIявучин кIул хъунна балайрду куну,

Ччергъилу рирщуну ттул цIа дурккунни.

*Бувссар Шаза 1878шинал Ккурккуллал Магъилав тIисса мискинсса
хъузала кулпатраву. Шаза хъунма хъувкун, чIявуссаннан ххуй бизлан
бивклун бур. Циняннаяр хъхъичI ганил итталун агъну ур Куматусса
Амир-Аьли тIисса оьрчI.*

* * *

* * *

*Ина ургайссания,
Ишан къамул давияв,
Пар учавай, бат шавай,
Хъирив ачин авияв.*

*Бюхттул зунттай ав хъурдай,
Вил ттупангирал бутан.
Ардарав уртту хъурдай,
Вил оьручал хъап учин.*

*Эшкъи къахъун ва ттул дакI
Муххай дирхъ чаннан духрав?
Вих къабурган ттул яру
НякIчIутIул ккулла бухрав?*

* * *

*Архнияту ххал хъурча, гъанну хъурдай учара.
Гъанну чIарав ккаккарча, хъуву хъурдай учара.
Ци банна тIий, дуруглай оьмур ччисса дуниял.
Дургъуну бура ччаву, хъхъурттарал- айгъур кунна.*

*Амир-Аьли итталун агъаврил ци банссия, къаччан бивклун бур оьрчIал нити-
буттан мискинсса душ буцин. ОьрчIгу льякъуну ур гай нити-буттан
лайкъсса: хIукму бувну бур, хIазгу лавсун, мискинсса душ къабитан. Вана ва
иширава байбивхъуну букъавкIсса къаливчIун бур Шазал бакIрачIан: ччарча
ччиссаннал дурсса лавмартшиву, ччарча нитти-буттал къатлува букан баву,
ялабутава, ччарчагу мачча-гъанналва къаччан бувну, шяравату ва лихълали баву.*

* * *

* * *

*Уртту къаххяххай ххяллайн
РахIмат циван байривав?
Нясив къаансса оьрчIах
Ччаву циван шайривав?*

* * *

*Буттайний усуу ххива, ттула буттал арс ххива,
Щин дарчагу лавмартшин ттунна къадансса ххива.
Ва дунияллал пикри дакIнинвагу къабагъай,
ДакIнин ххирасса ина дакIния къауккара.*

*На шяраву буссаксса,
Шанан къабикIай вирттал,
На шярава лавгукун,
Утти шанул буччира!*

*На буттайний буссаксса,
Къяпри иттав ссурахъал,
Буттайния лавгссара,
Утти чIантIай бишара*

*Буттал шярава Щаза лавгссар Гъумукун, Аьвдурах1ин т1исса х1аписарнал
къатраву къазахъну, ич1увадушину зун. Гъумук ганил балай учаврил ц1агу ларгун
дур. Гукун ххуйсса душ шар булун аьркинни т1ий, Щаза буллунугу бур Ваччатусса
Аьх1мад т1исса авадансса адаминан. Аьх1ма т1урча, лявкъуну ур хъинну
чалухъсса, х1анттил-за гъаз бувкун, арвав хъанахъисса ххяччахан. Цанпара
шиннардий къянкъа дуллайгу бивк1ун, ахиргу, къюкъин буллалаву ва къут1ру
бух1лай, тийнмай хъунсса к1ану къаливч1укун, канихъсса душинищал ва гъухъуц1ун
лавч1сса оьрч1ащал ливхъссар Ваччату.*

* * *

Ва Щазай шар хъуссарав,
Щазай, мурад буллуриу,
Барча хъуннав вил мурад,
Ваччийл туру зимиз.

* * *

Къаччисса ласнач1а
Щарну бик1аяр,
Ккарччун къюву дуллай,
Ц1ияллай ччива.
Мунал агъуданухъ
Жап т1ий бик1аяр,
Мач1-муккури ларххун,
Мурц1ува ччива.

* * *

Дужагъиран хъуннав майорнал Шагъун
На дужагъиравун бутан гъан бувсса!
Ваччав булун бавкъусса Аьвдурах1иннул Шагъун
Няк1 пюрундалил ссурессу к1юла хъхъуттал дуккивуу

* * *

Була т1ий увк1уна Ваччав Хъунбутта,
Булунгу бавц1уна маюрнал Шагъун,
Ттунагу къак1улсса, ц1агу къабавсса
Ц1а чарий чичиву, щюлли Аьх1мадун.

Ардарау х1авигу х1ави бакъая,
Х1ави ия, душруу, ттул щюлли Ах1мад,
Х1авилий ч1апл1игу ч1апл1и бакъая,
Ч1апл1аяр щюллия Ах1мадул яру.

Ц1ара ц1а дияхха, ц1а духлагивул,
Ц1аниха лавхъхъусса цува акъая,
Аваза бияхха, вилах лещивул,
Чувшиврул лишанну чурххай дакъая.

*Зана хъуссар Щаза гава Гъумукун. Утти ванин багъссар бувгъуну
«ккаччил багълийсса» лаякъаттагу, х1арачат буллан, ванал къатри лакълай,
танал ппаллу марц1 буллай, тайминнал хъунил давуртту дуллай, цинна ва цила
оьрч1ан маэшат банмур лякъин.*

*Щазал балай учаврил гъунардая к1улсса Гъумучиял жямат, ганил балайрдах
мякъну, оьвт1ун бивк1ссар ганийн дуссухун, балай учин, дялахъру дан. Мунихлуну,
чара бакъа, магаришгу байсса бивк1ссар: дукия, ци-дунугу оьрч1ансса, циннасса
лаххи-ликкия, ариул шагъий. Му бакъассагу оьвчайсса бивк1ссар, инсан ивк1усса
ч1умал, зума учингу. Амма ци балайрду т1ий, ци ччергъилу ришларчагу, хъиннура
ч1яру хъурча дакъа, хъисрагу чан хъанай къадирк1ссар Щазал дард-ххажалатру.*

* * *

Угъ учара, бигъара,
Магъулук бурса бакъай.
Къявхъ учара, рут1ара,
Ч1анкъатлуу бяр бац1ай.

Угъ увкукун бивгъу ссик1
Х1ажлул къатлухун бивну,
Х1аж бувц1у х1ажитурал
Дуаъ къадувавий?

Тай х1ажитурал дуаъ,
Малаиктурал амин,
Ялуу ххув заннан бавну,
Къамул къадувавий?

* * *

Ва ттул дак1нил дардисан дач1ирча ац1ва бут1уйх,
Миннувату ца бут1а бутарча майдан ардайн,
Уртту къаххяхханссия, т1ут1ив силул хъунссия,
Къурагъшиву хъунссия, гъарал къалач1унссия.

Ва ттул дак1нивсса дардру дач1ирча ац1ва бут1уйх,
Миннувату ца бут1а бутарча щюлли хъхъирийн,
Хъхъирий цин къакъанссия, х1аврай язугъ хъунссия,
Зунттурду бюхттул хъуну, ттурлу къадишинссия.